



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 69. stav (1) tačka a), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22) te preporuke Komisije za javne nabavke u Zapisniku o pregledu i ocjeni ponuda za nabavku nafte i naftnih derivata, broj: 03/4-45-633-____/24 od 26.02.2024. godine, sekretar Ureda za zajedničke poslove, donosi

O D L U K U
o izboru najpovoljnijeg ponuđača

Član 1.

- (1) Prihvata se Preporuka Komisije za javne nabavke za predmet ugovora „Nabavka nafte i naftnih derivata“.
- (2) Okvirni sporazum dodjeljuje se ponuđaču "Petrol-P" d.o.o. Bihać, za cijenu iz ponude, broj: 06/02/24 od 06.02.2024. godine sa ponuđenom cijenom u iznosu od 157.210,00 KM bez PDV-a, odnosno 183.935,70 KM sa PDV-om.

Član 2.

Ova Odluka stupa na snagu danom donošenja, dostavlja se ponuđaču koji je učestvovao u postupku javne nabavke i objavit će se na web-stranici www.vladausk.ba.

O b r a z l o ž e n j e

Ugovorni organ Ured za zajedničke poslove Vlade Unsko-sanskog kantona (u daljem tekstu: Ured) donio je Odluku, broj: 22-45-633-1/2024 od 16.01.2024. godine, kojom je pokrenula postupak „Nabavka nafte i naftnih derivata“ putem otvorenog postupka.

Nakon donesene Odluke, Ured je pripremio tendersku dokumentaciju, koju je zajedno sa Obavještenjem o nabavci, broj: 928-1-1-13-3-1/24 od 19.01.2024. godine, ispravku obavještenja 928-1-1-13-8-8/24 od 06.02.2024. godine, objavio na Portalu javnih nabavki. Rok za dostavljanje ponuda je 19.02.2024. godine do 12,00 sati.

Po isteku roka za podnošenja ponuda za predmetnu nabavku pristigla je jedna ponuda i to:

Broj protokola	Naziv/ime ponuđača (šifra)	Datum i sat prijema
03/4-45-633-4/24	„Petrol-P“ d.o.o. Bihać	07.02.2024. godine u (11:17)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da je ponuda ponuđača "Petrol-P" d.o.o. Bihać formalno pravno ispravna.

Za predmetnu nabavku je, u skladu sa Pravilnikom o uslovima i načinu korištenja e-aukcije („Sl.glasnik BiH“ br.80/23) i tenderskom dokumentacijom bila predviđena e-aukcija. Članom 4. stav (2) Pravilnika propisano je

„U slučaju prijema jedne prihvatljive ponude e-Aukcija se ne zakazuje“.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH, putem ugovornog organa, u roku od deset (10) dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Broj: 22-45-633- 4 /2024
Bihać, 26.02.2024. godina

Sekretar Ureda za zajedničke poslove
Elvis Beganović dipl. eco

